



**Minneapolis Lub Tuam Tsev Hauj Lwm
Ntsig Txog Tub Ceev Xwm
Phau Ntawv Qhia Siv Txoj Cai thiab Txheej
Txheem**

Nab Npawb:
9-100

Xuv Cuaj – Cov Cai Kev Yuam Siv

Cov Kev Ntes Neeg Laus

9-112 Kev Thaiv Kev Raug Txim Rau Cov Neeg Ua Haujlwm Rau Tsoom Fwv Txawv Tebchaw

05/29/02

(A)

Raws li ntiaj teb thiab tsoom fwv txoj cai lij choj, cov neeg ua hauj lwm xab tham thuj thiab koos xum tau txais ntau qib kev tiv thaiv thiab kev pov thaiv ntiag tug (xws li kev ywj pheej los ntawm raug ntes, kev muab ceev cia, kev tshawb nrhiav thiab lwm yam) nce raws li lub luag hauj lwm uas lawv tuav. Txawm li cas los, qhov kev muaj cai tshwj xeeb ntawm kev pov thaiv ntiag tug yuav tsum xwm yeem nrog rau lub luag hauj lwm ntawm Teb Chaws Mes Kas thiab nws cov koom haum ntawm tsoom fwv los pov thaiv qhov kev nyab xeeb ntawm nws cov pej xeeb neeg. Tej zaum cov tub ceev xwm yuav muab kev koom tes pab rau cheeb tsam uas muaj kev tsim nyog txhawm rau txwv qhov kev ua ub ua no uas tsim ua rau muaj kev phom sij rau qhov kev nyab xeeb ntawm zej tsoom los sis thaum pom tias yuav muaj kev ua phem loj.

1. Cov sawv cev fab xab tham thuj, cov neeg hauv tsev neeg uas tau lees paub tias yog ib feem ntawm lawv tsev neeg, thiab cov tswv cuab ntawm lawv cov neeg ua hauj lwm fab kev kav tswj thiab fab tev niv thiab lawv cov tsev neeg yuav tau txais kev tiv thaiv kev raug ntes, kev muab ceev cia, kev hais plaub fab kev ua phem, thiab kev tshawb nrhiav lawv tus neeg, vaj tsev los sis chaw nyob yam uas puv npo.
2. Cov tswv cuab ntawm lawv cov neeg ua hauj lwm muab kev pab cuam, tsis muaj cov kev muaj cai tshwj xeeb los sis cov kev tiv thaiv tshwj tsis yog kev tiv thaiv kev hais plaub rau cov kev nqis tes uas tau cuam tshuam rau kev ua lawv cov luag hauj lwm uas raug raws cai. Cov neeg hauv tsev neeg ntawm tus neeg ua hauj lwm muab kev pab cuam yuav tsis muaj cov kev muaj cai tshwj xeeb los sis kev tiv thaiv.
3. Cov neeg hauv tsev neeg ntawm cov sawv cev ua hauj lwm fab xab tham thuj uas yog cov pej xeeb neeg ntawm Teb Chaws Mes Kas yuav tsis muaj cov kev muaj cai tshwj xeeb los sis cov kev pov thaiv. Cov tswv cuab neeg ua hauj lwm los sis lawv cov tsev neeg uas yog pej xeeb neeg ntawm Teb Chaws Mes Kas los sis cov neeg nyob ruaj khov hauv Teb Chaws Mes Kas yuav tsis muaj cov kev muaj cai tshwj xeeb los sis cov kev tiv thaiv.
4. Cov neeg ua hauj lwm koos xum, lawv cov tsev neeg thiab cov neeg ua hauj lwm yuav tsis muaj cov kev muaj cai tshwj xeeb los sis kev tiv thaiv uas tau cuam tshuam rau kev raug ntes, kev muab ceev cia, los sis kev tshawb nrhiav thiab kev ywv. Muaj ib qho kev zam nkaus xwb uas yog qhov tias cov tub ceev xwm koos xum txoj hauj lwm tau txais

kev tiv thaiv kev raug ntes tshwj tsis yog tus neeg raug ntes mus raws li daim ntawv tso cai ntes kev ua phem.

Tsuas yog daim ntawv tso cai uas tuaj yeem txheeb xyuas tus neeg ua hauj lwm xab tham thuj los sis koos xum uas raug raws cai tau yam uas txaus ntseeg xwb thiaj yog daim npav txheeb xyuas tus kheej uas Lub Tuam Tsev Hauj Lwm Ntawm Xeev, Lub Chaw Hauj Lwm Txog Tus Qauv Cai tau tawm. Lwm cov ntaub ntawv xws li cov ntawv hla teb chaws fab xab tham thuj txawv teb chaws, Teb Chaws Mes Kas cov vis xaj fab xab tham thuj, cov npav zam se, los sis cov ntawv tsheb uas Xeev Lub Tuam Tsev Hauj Lwm Tau Tawm uas tsis muaj kev qhia txog tus neeg ntawd li qib kev nyob rau hauv xab tham thuj. Cov tub ceev xwm uas muaj cov hom ntawv txheeb xyuas tus kheej no tsim nyog xav tias tej zaum tus neeg uas xav tias muaj kev txhaum muaj qee qib kev tiv thaiv thiab ua zoo txheeb xyuas tus neeg uas xav tias muaj kev txhaum seb nyob rau qib twg ntawm qhov kev thaiv cov neeg ua haujlwm rau tsoom fwv.

Tus Thawj Coj Saib Xyuas Lub Chaw Zov uas nyob rau hauv lub luag hauj lwm yuav tsum tau txais kev ceeb toom txog tej cov xwm txheej uas cuam tshuam rau cov Neeg Ua Haujlwm Rau Tsoom Fwv Txawv Tebchaw. Cov xwm txheej no yuav tsum raug sau tseg kom txhij txhua nyob rau hauv cov ntawv tshaj tawm CAPRS. Tsoom fwv kev kav tswj, uas ua kev nqis tes los ntawm Xeev Lub Tuam Tsev Hauj Lwm tej zaum yuav tuaj yeem ua tau qhov kev nqis tes daws teeb meem rau cov neeg ua hauj lwm fab xab tham thuj txawv teb chaws uas yuam Teb Chaws Mes Kas tsab cai lij choj hais txog kev ua phem.